

Cynlluniau estyniad ysgol i'w gweld



Bydd cyfle arall i'r cyhoedd adolygu'r cynlluniau ar gyfer yr estyniad newydd sylweddol at Ysgol Bro Gwaun pan gânt eu harddangos yn llyfrgell Abergwaun yn fuan.

Byddant i'w gweld o ddydd Sadwrn, 5^{ed} Mawrth, i ddydd Sadwrn, 12^{fed} Mawrth.

Mae'r cynlluniau ar hyn o bryd dan ystyriaeth adran gynllunio Cyngor Sir Penfro ac maent i gael eu hystyried gan Bwyllgor Cynllunio a Hawliau Tramwy'r Awdurdod yn ddiweddarach y mis yma.

Bydd Kate Evan-Hughes, y Cyfarwyddwr dros Blant ac Ysgolion, a swyddogion eraill y Cyngor ar gael yn y llyfrgell ar ddydd Llun, 7^{fed} Mawrth, o 2 pm i 4 pm i ateb cwestiynau a gwrandao ar ymateb.

Meddai'r Cynghorydd Sue Perkins, yr Aelod Cabinet dros Addysg a Diogelu: "Mae hwn yn ddatblygiad cyffrous i Abergwaun a'r cylch ac yn rhagor o dystiolaeth o fuddsoddiad y Cyngor mewn addysg yn Sir Benfro."

Meddai Pat Davies, Cynghorydd Sir Lleol: "Bu llawer o ymgynghoriadau gyda chorff llywodraethol Bro Gwaun a'r gymuned ehangach.

"Bydd newidiadau'n digwydd i addysg ym Mro Gwaun ond bydd yr ailwampio ac adeiladu o'r newydd yn creu profiad dysgu cyfoes i ddisgyblion a staff fel ei gilydd."

Mae'r prosiect yn cael ei ariannu ar y cyd rhwng Cyngor Sir Penfro a Llywodraeth Cymru fel rhan o raglen Ysgolion yr 21ain Ganrif.

Geiriad

Argraff arlunydd o'r estyniad newydd.